

807

126

DEO OPTIMO MAX.

UNI ET TRINO,

VIRGINI DEI-PARÆ, ET S. LUÆ,

Orthodoxorum Medicorum Patrono.

QUÆSTIO MEDICO-CHIRURGICA,

QUOD LIBETARIIS DISPUTATIONIBUS

*manè discutienda in Scholis Medicorum, die Veneris vigesima-
nonâ mensis Maii, anno Domini M. DCC. LXXII.*

M. PETRO POISSONNIER,

Regis in Sacro Consistorio Consiliario, Regis à Consiliis Medicis, in
Regiis Arcibus Maritimis & Colonis totius Medicinæ Præfæto, Re-
giarum Parisiensis, Brestensis, Divionensis, Petropolitanae, & Stokol-
miensis Academicarum Socio, Professore & Censore Regio, Doctore
Medico, Præfide.

*An sit inutilis, quin imo nociva, canceri inveterati curatio quæcumque,
sive instrumentis sive medicamentis?*

I.



INTER Morbos quibus afficitur humana gens, alii naturâ solâ, alii naturâ & arte, alii solâ arte curantur; plurimi autem penitus incurabiles evadunt. In hac ultimâ classe merito recensetur cancer inveteratus, Medicorum crux, Chirurgiæ opprobrium, & quod his pejus est, Agyrtarum præda.

Definitur tumor duritie penè lapideâ, dolore acutissimo, pungente, rodenteque stipatus.

Utrumque sexum affligit, atamen frequentius foemineum, præsertim cum temperamento melancholico-biliofo, atque constitutione nervoso-irritabili donatur. Inter causas progumenas non omittenda sunt vita cælebs, animi pathemata vividiora, menstruorum irregularis fluxus, tempus hujusce cessationis, hæmorrhagiæ uterinæ, nec non vitæ genus extra moderationis limites divagans.

In partibus glandulosæ sedem figit, mammas & uterum, modo sympathicè, modo idiopathicè, potius quam alias partes afficit, quandoque tamen nares, oculos, cutem; an aliquando in visceribus oriatur non dum plane constat.

Ratione methodi in hujus Morbi atrocissimi curatione adhibendæ, recte dividitur in plures species mali stadiis determinandas. Etenim in praxi medicâ quælibet divisio quæ non directe respicit curationem, inutilis semper, interdum noxia est.

A

Tumor durus cum dolore lancinante, pungente nec non per intervalla recurrente, vigentibus causis supra enarratis, primam canceri speciem constituit. Vocatur illa *cancer oculus incipiens*.

Tumor idem mole major, cum dolore acutiori, pene continuo, cute illasâ quoad solutionem continuitatis, non vero quoad colorem, (livescit enim & venis nigris vel cæruleis hinc & inde sparsis maculatur), secundam speciem efformat, estque *cancer oculus confirmatus*.

Cum autem tegumenta vel lacerantur ob tensionem nimiam, vel eroduntur humore acri intus genito; carnes sub cute hærentes, tumentes, ruborem intensiorem induunt, modo saniem, modo sanguinem purum fundunt, remanente dolore, duritieque quasi corneâ lapideâque; tunc tertia canceri species locum habet, scilicet *cancer ulceratus incipiens*.

Quarta denique species ab omnibus aliis facile distinguitur, 1^o. Ulceris labris duris, tumefactis, scabris, inversis. 2^o. Vasorum nervoso-lymphaticorum induratione, unde radices extenduntur substantiam ligamentosam vel tendinosam mentientes. 3^o. Odore acerrimi acetii cum summâ fetiditate conjuncto. 4^o. Hæmorrhagiis. 5^o. Acutissimo atque acerbissimo dolore. 6^o. Humoris corrosivi accrescentis & putrescentis effluxu. 7^o. Febre lentâ, marasmo, debilitate, animi deliquiis & tandem morte. *Hæc dicitur cancer ulceratus confirmatus*.

Massâ cancerosâ dissectâ, invenitur substantia cornea, cavitates hinc & inde efformans, fungis vel vegetationibus repletas; fungi illi primo aspectu caulis floriferæ speciem gerunt; inter fungos istos & substantiam corneam, conspiciuntur venæ varicosæ & omnia quæ ulcus comitari solent.

I I.

OMnibus phenomenis supra enarratis, summâ cum attentione consideratis canceri æthiologia facile deducitur.

In loco quolibet glanduloso, si in nervorum extremitate leges actionis & vegetationis mutantur, ita ut ibi contingat quod in extremitate digitorum evenit, mutatio scilicet substantiæ nervosæ, in aliam duram atque corneam; tunc formatio illius substantiæ & augmentum in partibus mollibus, illas comprimit eo magis quo majori mole donatur; hinc distractio nervorum, varices, inflammatio, lividitas, rubor, vasorum ruptura; ex distractione nervorum dolor; ex vasorum rupturâ, effusio humoris, sanguinei ex vasis sanguineis, lymphatico-glandulosi, ex vasis lymphatico-glandulosi. Effusis illis humoribus calore & humiditate loci, accrescit humor glanduloso-lymphaticus, putrescit vero sanguineus, unde odor mixtus supra memoratus exhalat; ex compressione, inflammatione, humorum indole corrosivâ, dolor deurens, pungens, acris, fodiens, pulsans persequitur; ex perpetua irregularique vegetatione, fungi, radices hinc & inde nervorum truncum sequentes sparguntur; ipsique nervi, legibus naturæ hucusque ob-

secundantes, jam ob irritationem & actionem humoris cancerosi, mutantur tum in structurâ, tum in organisatione; hinc contagium & malum propagatur atque serpit: denique ex humoris acescentis & putrescentis resorptione, & doloribus intolerabilibus febris lenta, marasmus, debilitas, animi deliquia & mors.

I I I.

Canceri prima & secunda species medicamentis vel internis, vel externis insanabiles, sapissime ferro sanantur; tertiæ speciei incertissima est curatio nec non rarissima; quarta, demum nec medicamentis nec ferro curari potest. Assertiones illæ, quidquid obgignant Agyrtæ & eorum fautores, ratione, experientia & observatione confirmantur. Axioma igitur tanquam certissimum ad curabilitatem canceri determinandam esse formari potest. Cancer recens modo natus, adhuc mobilis, angusto limite circumscriptus, locoque imprimis opportuno, sensibusque expulso, intactis autem simul ante omnia, à contagio ipsius labe, mutuaque tabe, reliquis sane adhuc corporis partibus, feliciter plerumque, secure atque perfecte ferro excindi potest.

I V.

Morbi ipsius ætiologia, eventus, experimenta per mortes facta, observationes, terras quolibet, sublimatum corrosivum, remedia arsenicalia, saturninaque, cicutam ipsam, de quibus nimirum sparsis in vulgus credulum libellis variis encomiasticis, non solitæ & credibiles medendi virtutes; sed incredibilia prorsus & inaudita miracula, ac plusquam portentosa thesala, plenius veluti buccis effunduntur; ad chimeras, remedia inania, noxia, ineptaque relegant.

Cancrum inveteratum nullam omnino curationem admittere probant, ratio, observatio & auctoritas. Morbi naturâ bene perspectâ, partes structurâ & organisatione congruâ destitutas, nullo modo sanari posse humanis auxiliis facili evincitur. Multiplices radices in longum & latum porrectas omnes evellere, nunquid ferrum valet? unâ tamen superflite, brevi atque ferocius repullulat; humor præterea cancerodius absorptus fit novi canceri seminium. Medici potentia obstaculorum remotione, partis vel totius destructione circumscribitur; non autem ad novam extenditur creationem. Nostram Theûm innumere observationes inconcussam reddunt, quas enumerare longius foret. Scepticos ad Forestum, Ballonium, Hildanum, Lommium, Blancardum, Timeum à Guldenklée, Hofmanum, Bonetum, Bartholinum, Morgagnium, Acta Berolinensia, &c. &c. &c. mittimus, viros bonos facile vincet auctoritas Hippocratis, Galeni, Aræti, Vanswietenii, &c.

V.

Sola igitur curatio palliativa, in tertiâ & quartâ Canceri specie convenit: hanc constituunt vitæ genus pacatum, tranquillum, alimentis lenientia, demulcentia, facillimæ digestionis atque concoctionis, moderatum exercitium, diæta lactea, quotidianus usus corticis peruviani,

2A2

4

fomenta quædam absorbentia saturninaque. Summe vitandum est quidquid sanguinis motum augere atque humores acres reddere valet; idcirco minime convenit usus opii ut autumant multi, & ex dictis facile pater.

Vehementer exoptandum ut miseræ quæ dirissimo laborant hoc malo, desistant medelas quærere apud inconditissimam Medentis nomen affectantem gentem, sive sint de grege carnificum, sive de pullorum in constrictis exclusorum, sive anicularum. Faxit Deus! ut quas cancer occultus excruciat, cito illum solerti Chirurgo extirpandum præbeant, ne mox apertus & ulceratus ullam admittat curationem, exceptâ tamen quæ ab Agyrtis offertur, non ut malum sanetur, sed ut emungatur crumena.

Ergo inutiles est, quin imo nociva, canceri inveterati curatio quacumque, sive instrumentis, sive medicamentis.

DOMINI DOCTORES DISPUTATURI.

M. Petrus - Josephus MORISOT DESLANDES.

M. Theophilus DE BORDEU, Eques, Nosocomii Regii & Militaris Baragiensis Medicus designatus.

M. Ambrosius HOSTY.

M. Henricus-Michael MIS-SA, Censor Regius, Militarum Nosocomiorum ad Regis Exercitum Medicus.

M. Petrus-Abrahamus PAJON DE MONCETS, Eques, Societatis Litteraria Catalaunensis Socius.

M. Joannes MAC-MAHON, Antiquus Exercituum & Nosocomiorum Regis Medicus, Regiæ Scholæ Militaris Medicus Ordinarius.

M. Joannes-Nicolaus MILLEDE LA COURVAULT, Anatomes, & Aris Obstaricia in gratiam Matrosarum Professor.

M. Claudius-Thomas-Guilhelmus GUILBERT DE PREVAL, Rei Herbariæ Professor designatus, Christiani VII Daniae & Norvegiæ Regis Consiliarius, necnon Rerum Medicarum à Relatione.

M. Franciscus THIERY, Regis à Salubri Consilio, Regii Medicorum Collegii Nancei Socius Honorarius, Regiæque ejusdem civitatis Scientiarum & Humaniorum Litterarum Academiae, necnon Bituricensis.

Proponebat Parisiis CLAUDIUS-ANTONIUS CAILLE, Doctor Medicus Bisuntinensis, Societatis Medicæ Edimburgensis Socius, Saluberrimæ Facultatis Medicinæ Parisiensis Baccalaureus Emeritus, Theleos Author, A. R. S. H. 1772. A SEXTA AD MERIDIEM.